


胡致堂斐然集





致堂胡先生斐然集卷第十二

李綱江西安撫制置大使

朕觀自古立德立功之人必有一定不可易之計終身固守以克有成子房為韓報仇孔明志在復漢皆其素所蓄積用則舉而措之扶持大倫垂訓萬世豈吾臣子曾是才難具官器資英明業寓高邁能斷大事先見如著龜永肩一心後凋如松柏爰自奮庸之日已陳雪恥之謀民所具瞻邦之表幹中排掣於邪論嗟備嘗於艱難世之業益宏許國之志弥勵朕以怨讎未殄寢食不康厭聞避狄之言灼見和戎之失知卿秉義可繼前修起於祠庭付以方面兼除節制之號用侈蕃宣之儀其卑迄於外庸以對於楊



休命

呂頤浩湖南安撫制置大使

惟三湘東南上流土瘠而民匱自虜兵殘破雖無屈辱而盜賊盤據嘗有姦謀奉公守法之人愛而莫助蠹國病民之吏恃以肆行俗寄甚偷人又重而困逮王旅掃平之後值天災早暵之傷軍食尚興道殣相望念民惟邦本當厚於拊循必政擅吏師乃膺於委寄具官精勤應務權略投機早宣力於四方屢奮庸於百揆嘗佐勤王之舉獨高衡上之功既將相之迭居乃安宅之注意其釋間館往臨大藩爾當慎東官僚蠲除疾苦惟謹度可以制節非敢信不能立民無縱詭隨式遏寇雠畢公保釐而正色率下方叔

經鉅堂重錄

元老而克壯其猶尚服訓言聿觀績効

席益端明殿學士湖南安撫制置大使

朕以禮使臣記功忘過念朕股肱之舊嘗麗舟書眷藩翰之勞克孚清議方隆施於事任宜載錫於徽章具官術路宏深材猷敏達頃畱兵騎保障湖湘事同出於戒嚴迹或疑於方命始從貶削以警其餘爾乃率職甚修幹方殊懋卒乘韓睦而無犯里閭愁嘆之不聞睠彼長沙分鎮南楚地荆襄之會水通江漢之津惟恢拓之遠圖賴忠勤之協濟陞華秘殿制節中權以壯具瞻用昭寵類雖身在外彌屑恭順之心自葉流根溪報阜成之政毋煩朕訓勉迄爾庸



吳革外職名

國家建延間使儒學之士宴直其間其有趨事赴功亦預  
茲選所以廣懋賞俟群才也以爾鳳力敏強見推能吏屢  
將使指功緒可稽肆予臨戎整旅誅版輸將尽瘁軍不之  
興宜䟽加職之榮康示報勤之勸爾其念兵食之當是民  
力之已殫益究乃心稱此光寵

温厚母年九十封太孺

仁善之報冠于五福子孫所願于其親者孰加於此明堂  
敷慶燕及高年爾克膺之申錫書命古人不云乎貴老為  
其近於親也夫此豈獨為尔一門慈孝之賚盖所以見朕  
志焉

王侯轉一官

朕惟人臣之義自致其身不待爵賞而後勸也然有功而  
不見知則待賞而後勸者必怠於趨事而罰之有所不勝  
矣其可緩乎以爾政術䟽通才猷敏邵踐揚中外譽處甚  
休方虎旅之徂征比草車之親駕奔走先後職思其憂軍  
坐豐事不愆素丕視功載序進一官勉服茂恩益思來効

王瓊降三官

朕待遇將臣務推恩厚非行姑息之政欲收勘定之功其  
或孤負使令蔑聞底績法所難縱罰其可辭具官世受恩  
國久提軍律河東乘基投戈西道於劔門江左投師卷甲  
南趨於甌粵旌旗所過井邑為空朕貸其住愆責以後効



所當創艾思報寵靈而乃長惡弗悛亂常滋甚躬捕湖寇  
首殲舟師反復獄於禰裨敢便文於躬功狀執掠編戶補  
克伍符日費千金行苞苴而易竭士食半菽豐觴豆而自  
安藩臣解體於中傷計捐軀於陵暴官錄貨授政以賄成  
軍軍心坐賊勢愈張自損威於一戰遂遺毒於兩湖制節  
乖違已失爲臣之義玩兵放恣不虞怙亂之嫌既罪稔盈  
人皆憤疾屢閱糾邪之奏謂稽司敗之誅以降官聯尚頒  
祠祿往思內訟毋速大刑

范正己降兩官罷宣撫處置司叅議

將幕上僚叅決議論欲其可否相濟協成事功乃被削書  
難逃黜典尔名臣之子宜自受重從軍干外規益靡聞元

經筵堂重錄

戎露章罪狀離間黜官二等免乃攸司既不謹前面思善  
後

陳宥復景福殿使

朕祇祀明堂均福臣庶凡陷于戾咸與惟新具官見謂小  
心偶坐薄謫會赦當叙在法靡思俾還舊官以責來効惟  
避權利可以保爵祿惟蹈忠信可以遠罪愆益勵乃衷毋  
忝明命

呂源復一官

朕宓祀總章覃福在序丹書所載咸與惟新以爾屢更劇  
煩見稱才吏廬陵之政以過舉開坐法削官會赦當叙稍  
還舊秩漸洗往愆夫風力悍強者多違於仁厚智術皎厲



者或短於篤誠能仰其有餘而勉其不足則何過之有祇服明訓益勵乃猷

仲儻自外官換環衛

夫枝葉茂蕃而後本根有所庇自讐虜入寇同姓剪落朕讀角弓芻蕘之詩未嘗三復而永慨焉以爾濮園之後屬近行尊頓緣便私願試外吏宿衛益缺司宗有言良愜予懷俾奉朝尔其務信厚修恪恭自欺於賢公子以稱慈意

陳康伯回授封居仁

人道以祖為本惟仁者不忘其本惟學士大夫則知尊祖矣爾懷德居善既壽而康燕及其孫位于朝列加上封秩應吾裡賚之命贊書申勸併為尔寵里居稱道尚及耄期

張宗顏轉四官遙宣

國家匿武累年觀釁而動小試江北反虜讐焉朕不受勇爵之頒作勵士氣將以復祖宗境土而恢中興之業非濫賞也具官勇為持重襲擊遁師幕府上功謂有奇績躡官四等遙屬使權爾當貪著戰多思彌冠軍之保任勿謂重賞可以幸得而見絀於公議然後為榮矣

戚方王再興再加兩官

功重而報輕人何以勸勞小而賞大政則無章朕之治軍以是為戒果有等狀其可異料具官躡擊虜兵多所俘獻再閱元戎之奏謂有殊常之績請與奇比加進兩官爾當戮力効忠益茂功實怯於希賞而勇於捕虜使不為公議



所貶乃無愧矣

祖秀實叙官

朕恣祀大室人賚臣工凡麗丹書咸與洗濯矧惟修士其可弗甄爾受寄祥刑嘗失使指遂坐貶削既閱歲時不謹前諒深內訟稍還舊秩康示寬恩夫人各有才貴於審已量力受任則無不勝若爾者質直廉清時論所與益相思勉勵以俟寵嘉

宇文淵劉僅排轉

周廬之衛待遇加隆矧執羈勒而從者可無爵賞之勸乎以爾祇扈戎行動身可尚序進軍麾之列遙分州刺之榮益思効忠以報恩寵

宇文淵南荆門歸峽山公安撫使

朕惟古郢名城上流重鎮北據漢沔西道巴蜀南蔽湖嶺東連吳會其土沃衍可以足貨食其人壯力可以充甲兵頃緣寇殘鞠為茂草改命師守夫豈苟然具官材智有聞忠勇自奮久領師衆頗著勤勞擢從宣司全委方面之政罷易鎮使首還綏撫之權注意既深圖功可綏夫盛軍容而入國伏將鉞以臨民非寬猛得兼濟之宜則本根有先撥之患爾其奉法擇吏務商通商必使民力富強然後兵威震壘坐成南紀之勢可以退規中原寬于西顧之憂豈將捍禦外侮克若明訓嗣有寵嘉

李璆轉一官



郡守兼軍旅之寄訓兵以義銷患於未萌職也至於欲危其上以告而後殄之抑未矣又賞及矣馬則亦為中材之勸不虞之戒耳以爾持橐舊待剖符大邦發摘凶謀剪平煽亂行已有恥初不自明連師以聞遂應褒典進官一等豈為爾私其深服於訓言克臻於靜治

閻丘陞復職

朕必祀總章賚及臣庶丹書所載咸校拭之爾頃緣勤王通留左決坐黜既久宜克自省還直祕府庸爾寬恩其服訓言以圖來効

范正國江東漕

朕於元祐之臣既追褒之又錄用其子孫不獨雪堂籍之

經鉅堂重錄

沉寃意有能濟其美者出為吾君耳以爾祖父世篤忠正遺澤未泯必在後裔用名爾於遠服使敷奏其言而視其所以乃能纂述先正忠宣之事業成編來上亦可以見幹蠱承考之志矣足食裕民今日大計也將漕一路惟爾所請加賁身章併示華寵毋謂憑藉可取世資往懋厥官以稱朕命

向子戀復職

朕必祀太室賚及臣工凡麗丹書咸與甄叙爾屢分符竹所至有聲不肯曲從久坐直廢乃能勇於進學思亢厥宗俾還直於圖書以漸階於進用夫自克之士緩於責人育德既深乃能致遠儻益勉勵人其舍諸



張戒國子丞

朕感詩人衿佩之篇思先聖俎豆之對雖時古武未皇庠序而存其官秩將以為修廢之漸非亢設也尔名自遐外敷奏便朝志意克修說辭亦瞻既寵以京秩且俾丞于冑子之宮尔其謹守舊規勿使墜失益進所學期于有成乃彌予獎拔之意

黃子遊江西憲韓膺胄江東憲

昔臯陶之告舜曰罪疑惟輕刑故無小朕率是道監于祥刑欲有平反謂寃濫也而御寃殺人者劓天而不死有司失指乃以縱出有罪為賢使彼殺者入地而御寃殺人者劓而不死凡四方具獄來上疑非所疑者十之七八反則

則有矣平其謂何此豈舜與朕之志哉以爾子游温厚不苛見稱長者以尔膺胄敏慧克幹是謂世家並付使權往司詳讞必使輕重諸罰無僭亂辭其審克之庶幾稱職

李健直秘督漕

朕志平僭賊兼用衆材督府餽糧尤資幹敏以爾奮由科第即列儒館牙籤萬軸既已飽聞金版六韜又能從說亦念從軍之久必知足食之方賜對便朝授以使指冀未忘於俎豆俾寓直於圖書服我寵光尚克自振

王子獻復職

朕謁款真室賚及臣工凡麗丹書咸與洗濯爾早以文行擢秀士林胡為中身數經清議寓直延閣惟尔舊朕既逢



寬思例得甄叙夫古人貴於改過者將以不辱其生豈為  
耄期而廢称道尚思奮勵庸稱寵光

鄭滋顯學宮祠

侍從之臣紀綱所賴去就之際風俗是議爰錫寵章式存  
存禮貌具官學殖博茂造養和夷偏儀禁途多歷年所可  
謂服勞之舊居聞譽處之休輟從銓曹屈貳民部實重大  
計豈為左遷乃繼露於恍辭願少休於散局重違雅尚毋  
有遐心

崑山縣靜濟侯加靜濟永應侯

式觀祭典之文曰山林川澤能出雲為風雨見怪物者皆  
曰神有天下者祭百神此古誼也爾神保茲穹阜蓄泄蒸

澤惠于民庶可信不誣有司上聞加隆爵號其歆予寵命  
以無失職而孤民望則惟尔休

黃克柔落致仕

人臣齒髮逾邁膂力既愆則致事於君告老而去儻欲再  
用不在此科具官既嘗乞身想克靜退今俾復仕勉思忠  
勤毋取逸於外祠以見貶於公議

宋唐鄉入內侍都知

書称文武之盛以小大之臣咸懷忠良侍御僕從罔匪正  
人夙夜承弼其君然勤無違禮言無非法朕甚慕之於褚  
常侍必擇而後任又况其貴者乎具官廉介畏慎不蹈過  
愆召於退休俾尹內省夫恭顯甫節之事至今人猶疾之



則召強張承業之美豈非汝之可願歟勉服朕訓以永終  
譽

某人入內內侍省副都知

朕監祖宗之憲懲近世之失於諸近習不借以權必擇良  
然後委使所以保全也以爾習知文書克自檢戒服事慎  
察不犯公議叅典禁省以示褒擢夫前人之美惡成敗彼  
人之師也益務恪恭稱此光寵

仲儻轉一官

武秩所以勸武功也我國家強幹弱枝是以宗子多在右  
列今單削又思培植之道凡可官爵者吾何愛焉爾既自  
外官入備環衛矣以爾毋遺奏加進一階朕非徇私猶前

經鉅堂重錄

志也其益思忠慎勉從振振之習乃稱茂寵

令珽正任觀察使襲封安定郡王

仰惟太祖誕受天命列聖嗣統百世不遷爰自神祖以來  
隆績小宗之緒封王襲慶遂著國章增固本支其意遠矣  
今當繼絕必擇親賢具官春秋既高多閱義理仕官已久  
不聞過愆諗于宗司之言謂高雋望之譽召自外職俾紹  
王爵廉使觀風併示榮寵爾其知富貴之難保全念驕矜之  
當戒樂於為善慎厥表儀庶幾不辱訓言以長守其祿位

孫渥川陝宣司叅議

古者大國三卿其一自命其二命于天子自命者猶今之  
奏群也命于天子則非臣下所得請矣宣撫之任蓋方伯



連帥之職豈直大國哉凡廢置宜屬朕未反命而惟請之  
從則赤心重閩寄非苟從也具官整軍經武見推勇略元  
戎幕府欲藉爾謀夫所為據險宿師者實惟保民力固邦  
本耳民力一困雖有貌虎之士何所仰食今當熟議莫急  
於此汝其勉之以稱命書之意

王居正改台州

古之賢用人至於可使南面則至矣姬呂父師以聖賢之  
業分茅列土百里而止德廣於他游又有餘宜其為政後  
莫能反也今中州下郡猶侈於古子勇之邦而仕者小之  
不顧其力何怨已之甚歟具官材氣不群服在爾列輟使  
其理以饒易台自視歛然其志遠往布朕德惟既厥心嘉  
靖一邦俾無愁嘆悞聞報政予則汝褒

余祐之將轉一官換封祖母

顧復之恩有懷欲報節行之美視典宜褒爾守義不渝教  
孫以仕舍官一等請為爾榮慈孝蔚然出于右列苟可以  
詞吾何愛焉

池守陳規失按降兩官

賊吏病民甚於盜賊若祖宗之憲必罰無赦乃有罪刑至  
死而長吏弗察法所不縱予何敢移具官智略足以扞城  
忠蓋見於尊主時論稱美遂刻從班所部賊偶失廉刺不  
以貴近而有秩罰庶幾邇遐之所懲畏削秩二等是為寬  
息益謹教條以厲



任仕安立功轉一官仍貴州刺史

朕不愛官爵以待有功矧時戰多豈復稽賞以尔勇力自奮久搃論師旅頃在敏粵嘗建奇績反戍湘楚亦稱動勞元戎露章請從褒序進加名秩仍分州蔡克底樓船之績尚推杖杜之意思

仲儻磨勘

考績之法三歲而選獨於宗子侯之尤久為君佚祿厚鮮能寡過至於十年而無犯則亦可以涉矣以尔守身恭順不事貴驕作正外宗克有儀矩茲緣大計叙進一官益務恪勤以永終譽

王滋將隨駕恩賞回封祖母

經鉅堂重錄

甲冑之臣干戈衛上必先孝順乃有忠勤尔孫不忘劬勞報以封叙用心如此良所嘆嘉其益教之使立効功予用康爾繼此未量

陸冥落職

朕以禮義俟君子刑罰威小人如爾奴隸自居又何真焉然玷官職之高榮煩言章之論列醜慝昭著典憲未申則姦貪肆然自謂幸免矣魏直中秘尚為寬恩往慎厥終庶逃大譴

皇叔士勸磨勘

宗籍無吏貴故其考績之法侯之厭久而後計則黜陟明而功罷當其得賞也不為過而益知所勸矣以爾屬在



諸父惟慎惟恭不以過聞至於十稔進官一等尔賞宜之  
尚勉厥脩以稱明訓

郭仲荀官祠

陳力就列或告不能均逸閔勞當從所欲矧在瓜牙之任  
尤推心腹之恩具官世濟勲勞器凝莊重比疇宿望深倚  
雋功建兩纛之威儀分四明之符竹惟籌決勝未施虎豹  
之韜尊俎折衝已帖鯨鯢之浪方資臥護遂以病辭諒非  
避事於危時姑俾奉身於間館往近藥石益專精神尚慰  
聞輦之思重賴據鞍之勇

張順換翊衛大夫

夷虜無道國家之讎父兄不還吾怨不釋具官嘗從主將

捕繫酋豪雖未成擒亦見忠勇遷進官秩用勸

張宗元轉官

臣服其勞君施其賞非相為賜也上下之交施報之道如  
此然後称尔以尔才識精敏政術通明比後軍麾宣力陝  
屬王事鞅掌不已于行忠勤具昭可無嘉勞序進官秩既  
已有功而見知勉趨事為尚思無德之不報

魏安行改官

守令民之師帥一有不言則吾病民而令於民為尤親故  
朕尤如意焉尔為政有方率職無過信惠既著百里安之  
使凡為令者咸尔之如吾何憂乎邦本之不同哉嘉賜贊  
書寵卑京秩勉終課最嗣有褒陞



王居正降授待制宮祠

朕待遇近臣進退以禮若公議之有貶豈國法之敢私具  
官名從退閑浸被任使入則周旋臺省獻納論思出則卑  
付郡章承流宣化自初遇合厥有休聲逮毀譽之相摩亦  
慨慷而自信茲焉請外曾未淹時屢閱彈章頗疏舊失有  
無於此汝實自知少黜近班尚仍次對往分祠祿深務省  
循夫正謗莫若自修惟責躬可以遠怨名浮於實如兩集  
而澮盈行顧其言則鶴鳴而子和丁寧以訓善後是圖

某人追復待制

朋黨之論明君所忌間也東漢禁錮逮於五族終成分裂  
之禍唐李報復投諸濁流徒增跋扈之勢天啓朕心深監

前失雖覆轍之難救庶後車之不顧故於在籍之沉寃  
復平生之故秩所以明示好惡垂戒方來具官德繇類升  
嘗論任言責論新法之不善與賊下為深仇遂遭詆誣繼  
被黜逐昔也忠賢之士同麗丹書今焉甄錄之恩再詔清  
議皆子之榮遇何死生之足論

張嵎秘書正字

朕惟喪亂以來文籍散落屢詔有司網羅天下放失舊聞  
又選英髦分職讎正考古以建事育材而待用兩有冀焉  
爾賜對便朝策文制苑辭藻溫潤議論正平擢寘書林俾  
益涵養夫有志於世者立德立功是謂不污若夫詞章末  
技非予所以望於多士也爾其勉哉



李光知平江

士有直道而行懷忠不二憂心悄悄雖屢及於謗讒明哲  
煌煌終弗移其志節予所尊用人無間言具官趨操端方  
識慮深遠氣剛大而無撓才左右而具宜頃在靖康嘗司  
言責備整精神之感曷聞比附之私事朕累年周旋中外  
望實愈著時論所歸茲改付於大部仍漸還於舊職財殫  
民匱更觀綏輯之方訟理改平嗣有褒揚之寵往欽予訓  
益懋尔庸

揚種直秘閣

吾所幸州郡四方輻湊人衆事艱貴於靜治尔佐刺大府  
風力敏卽便朝賜對所陳有取俾寓直於中秘增別乘之

光華是為異恩勉思報効

子劇贈威德軍節度使嘉國公

生而顯仕既敦睦族之恩沒有追褒乃厚飾終之典具官  
本支雋望肺腑懿親知為善最樂而脫屣膏梁之風以博  
古為賢而捐情狗馬之好謂宜壽祿遽尔湮淪當戎塵暗  
闕之時未皇卽卹念裨武流芳之緒良為盡傷稽故實以  
蔬榮稱情文而示寵齋壇授越當帥聞之雄權名壤分茅  
列公主之貴爵下以慰尔子孝思之請上以昭予家博叙  
之規英識尚存欽承無斁

張翥直秘閣移鼎州

武陵於為群界於湖湘控制蠻徭以捍雨露昨以官吏貪



雪政煩武重民窮為盜于此六年招徠之初正賴綏撫改命守將其任重矣以爾練達政實無適不宜劔津巴陵未究材業往臨新治善榘循之寓直圖書併示光寵無使令問少頃於前則予汝嘉奚愛爵賞

崔邦弼轉一官

良民之心畏兵為甚勇將之烈殺賊為賢尔久提師徒頗有紀津徃捕反寇克奏成功序進一官用為勸賞益思自奮以取寵榮

劉大中中書舍人

朕惟舜命九官簡言而尽義商盤周誥煩悉而盡誠凡代予言宜尚體要具知惻怛之意形于播告之修厥惟艱哉

孰克稱任其官好善如不及守身如奉盈列在諫垣多直諫之益出將使指有激揚之功臺省踐更聲望甚美愛自秉筆試之演綸議論持正而弗阿文詞務實而有補往即直拜益觀遠猷

閻丘籲叙官

朕慕虞舜宥過之道凡諸臣自陷于戾者待以歲月得用赦原忠厚之志也以尔頃緣保任有乘審詳繼被驅馳又涉稽慢併坐黜削亦既省循稍復舊階庸示矜貸過而能改可不務乎

皇兄安時用遺表轉一官

廉車之寄武取高選若時宗子劾劾官于外者無次遷之



文可謂重矣具官以英皇近孫叔父遺表服在南列遂膺  
此除尔其恭順自持閱習義理以責驕為可戒乃能保其  
榮祿矣

王亦特叙翊衛大夫

朕祀明堂大賚四海凡有宿愆咸與洗滌具官頃提軍律  
不能馭下縱逸部曲害及郡縣遂從遠黜茲稍甄叙尔其  
自省往過深草厥心思報寵光勉來効

李洪用循資回封祖母

古之典刑者莫非孝弟吉德之士逮其流弊則苛刻而寡  
恩非其性然蓋不善推其所為也尔孫職自法家能薦匪  
莪之念幼依王母不殊陟此之情願以一官歸上恩號綏

爾眉壽吾用嘉之

趙椿大理寺丞石淑問軍器監丞

人命至重在獄國之大事在戎分職置官慎選其屬爾椿  
其明慎刑罰體予好生之德爾淑問其飭除械器備師禦  
侮之用往丞而長毋怠厥職以稱選仕之意

許亢宗知台州

士君子有所蘊積然後能安於退閑退不充安而以憂世  
名自汲汲求者銜鬻之道朕不取也以尔頃在靖康已服  
吏職十年遠外放意山樊庶靖康求諒非徒尔名對便座  
言足聽聞俾班內閣之華往試臨海之政夫民所利病在  
尔知之宜熟矣勉布朕德以觀尔成



饒守董耘降一官

官無大小職無内外食祿受臣咸曰事君職分之中而有  
不舉則其處心積慮反於弗恭可無懲用存大戒具官以  
列尚書之重膺殿學士之榮出綰郡章不聞報政按章來  
上弛慢有端何昔者悉力竭力於權倖之人而乃今曠事  
瘵官於君父之役削官一等尚免嚴科思循省毋重後悔  
周綱措置收糴轉一官

建官設職使之趨事而赴功事功有於職纔稱熙豐而後  
以賞誘其逮其末流國之所實乃民之所病朕甚非之然  
足食足兵欲伸志義於天下非急功利也人効其才國賴  
其用獎勤而示勸豈異時借濫之比哉尔頃持使節儲輓

經鉏堂重錄

有勞民無強糴之嗟吏謹輸將之役雖尔廉靖無意於遷  
官而以身率人亦體國者之所樂為也尚服訓言益勵乃  
守

仇愈知州明兼公海制置

忠資之士立國所資險阨之邦維人無競疇克堪於重寄  
有試可之近臣具官政擅吏師材通世務輔以敢為之氣  
截然不撓之忠睽東海之寇疆邇勤江之藩輔貌虎星羅  
於要害舳舻鱗次於渺茫施置隨時惟敏果足以應變形  
聲格敵非明略安能折衝俾尔裁制之權委尔拊循之政  
欽若予訓勉圖乃功

朱震中書舍人



昔者周穆繼南征之後而無討賊之心至於平王為東遷之君而無興復之志觀其書命於成康之世無異君子是以知周德之衰矣嗚呼有能宣吾惻怛難喻之情如奉天制書以助中興之烈者乎具官學博而造深行和而志正以道獻替簡於朕心擢陞論語之司兼卒金華之業尚賢昔學諭教如初無士以得君為難服之待尔者厚矣論思潤色尚克欽哉必無媿於古人乃有辭於永世

王縉秘閣知温州

永嘉為郡介乎山海之間其士則學道而愛人其民則勸善而易使苟無君子斯焉取斯朕命守臣奚取不慎以尔稟質忠厚有學有才所臨之方治諫必最較自即遷為我出收升華中秘式寵其行尔益以古之從政者自期使治効有加於前日乃称予意可不勉哉

王良存度支負外郎

文昌諸郎一時遴選非有材業疇可冒居以尔吏治詳明向公奉法命曹攝事備見勤勞因任所長往司支計益思自勉以称寵光

張宦秘書郎

麟臺置郎參治書府眾務雖非文字之任然自昔分典四部通掌三閣處於無競之地多為起家之選實維清職非才不授尔修潔博雅達予聽聞敷奏以官克孚眾譽往復新命益觀器業之成



劇大中吏部侍郎

惟用武之時入官者衆而經兵之後冒法者多詭迹譎辭  
謾無稽考用寬則濫尚嚴則怨天官貳卿可不得其人乎  
具官守正篤義無所往撓踐更臺省之久備形獻納之忠  
輒從祠闡往試小宰昔韋陟剛腸嫉惡則偽集退聽崔暉  
介然自守則選司畏之汝必優矣俟吾訓

賈若谷成都運副

均輸有無上下俱濟計臣之職也今以理財自名者嚴刑  
峻令督責郡邑取目前之辦幸賞而去耳吾民何以堪之  
尔材諳有聞饋餉無門元戎剡上改漕益部夫兵籍不加  
於舊而調度之費歲倍民力不勝其困而科劔之勢日增

經鉏堂重錄

朕心憂之汝必有以處此矣欽若訓命尚勉之哉

郭淪潼川府路提刑

民之多辟非在位者有以致之乎比其麗于刑也又忽而  
不察欲百姓之不寬難矣則授使指可不慎乎以尔明慎  
愷樂政術通敏肆予命尔詳讞一道必也故犯罰之母赦  
如其不幸矜之勿喜一付於法無容心焉則梓潼之風雖  
在西南數千里之外若朕親決其曲直豈非尔之美歟

李健應副收光州錢糧轉一官

夫所謂克復郡邑者擒其主守壞而斥之使疆封無虧民  
人有恃者也戈陽之克亢戎以功守收聞亦服勤輸將使  
軍食弗缺亦云懋矣可無賞乎序進一官益思後効



致堂胡先生斐然集卷第十二終

致堂胡先生斐然集卷第十三

王縉監察御史

憲府置糾察御史進居言職之漸負中外觀望為朝廷重  
輕其任亦難矣以尔忠信愷悌才識俱優更練事為所居  
可紀俾輟郡寄往冠惠文夫善惡是非出於人之良心自  
古至今不可泯也然直言不聞毀譽亂真則為國家病有  
甚於三辰失行螟蝗水旱之變朕所深畏也若夫有司簿  
書不報期會之故庶按常職耳豈朕用尔之意哉

韓駒轉一官致仕

逢時取位亦既蒙榮拖疾引年所宜從欲具官早以詞藝  
于禁嚴附麗非人飯疏奚怨中更赦宥不汝瑕瑕疵復班



綴於西清俾優游於真館庶幾善後以獲令終茲陳告老之章更軫遺簪之念進官一等式寵其歸往復恩綸尚綏壽嘏

范柔中特贈直秘閣

士之効忠于上者犯顏納說死且不顧初豈有意於身後之名哉然使人至此國不隨之朕所以深監亂原憫掉黨籍盡從昭雪以為後日之永戒以尔秉心端直抗疏危言困於凶渠迄用淪殞列職中秘少湔沉寃使披肺肝効丹赤者知不朽之義在此而不在浮雲之富貴也

湖南漕薛弼湖北漕劉延年並直秘閣

屬者臨遣輔臣督視師旅盪平湖寇不日吉功亦惟輸將

經筵堂重錄

之臣克舉餉餽之事進直中秘是為異恩悅於見知當益自勵

郭執中秘閣脩撰督府咨謀

鼎澧之民弄兵沅沘之間六年未平深介吾念比命次輔往督師征靈旗所麾不戰而下惟是幕中之畫豈無口伐之功以示識慮精詳尤習軍事往從咨議果協成績中秘論譔以旌厥勤欽乃攸司益務罄竭

王世忠轉武功大夫刺史

虜賊不道稱兵南騫九將士有能戮力斬捕者吾厚賜之蓋為宗基業父兄憤恥非我一人之私也具官忠勇自奮頗著勤勞超進官榮仍廉郡刺益思滅虜之計勉土非常



之効則予賞汝又有加焉

趙子偁特轉朝奉郎秘閣修撰與郡

漢唐宗室之盛其文武政事昭當年而垂後世者史有傳焉居今而慕古今亦勸勉之道有未至耳以爾佐刺近郡達於從政被服儒素之習馳騁仁義之塗敷奏以言實副厥譽既俾升其秩任又恐以論議之職吾用是勸爾尚勉哉好學謹禮以持乃身守法奉公以保乃位則於古人何達之有

知宣州趙不群直龍圖閣再任

朕聞有定主然後可責其下以忠有定民然後可責其下以化江左之治昔稱元嘉得非任守宰以六朞為斷乎或

經鉅堂重錄

謂久任而非其人何以賢於數易如朕意者吏為民病將不終日而去之民所願事將使終其官而不徙惟其當而已矣以爾宗屬雋茂所治稱最宣當歲滿民適安之吾不忍奪也義圖寓直以示勸獎慎終如始惟既乃心

劉昉宗正丞

宗伯典司屬籍其任甚重仍置丞職處以清流非時俊髦不在此選於爾於學達於從政肆予命爾往踐厥官夫立志之士於職務清簡之地進德修業而待世用將有餘力矣往其懋哉

孫逸大理少卿

典獄賤事也然民命之存亡天意之喜怒國本之安危在



馬則其事重矣朕所盡心而不敢兼也肆於廷尉之任慎  
擇所寄以爾詳諫忠恕久更事為必不能審克辜功茲俾  
貳于棘寺夫希意迎合以取賞於明縱出有罪以幸福福  
於齒聽獄者之大疵也汝當以古人自期庶幾於民自以  
為不寃者乃稱予意

何懋度支員外郎

文昌六職即選甚高民曹諸屬司度為重非有資望則不  
輕授以示行能謹飭中外踐更賜對察言益見練達毋鄙  
而出納之吝而廢有司之事往懋厥官若訓

李公懋著作佐郎

承明金馬著作之庭郡處大雅制作國史文學清選也以

經鉅堂重錄

示敦樸而文勁正而通而通列職書林士論甚美其陞東  
觀益究撰述使一代施設後世有考焉往其勉哉以稱明  
命

馬觀國直顯謨閣添差江東帥司叅議

凡師幕預論議之臣必得智謀忠信之士乃能裨贊協成  
事功爾進對便朝所陳可採往處賓筵之右仍加內閣之  
名祇吾訓言思事罄竭

張誼龍學知溫州

卿士分職已高入座之名帥帥承流爰慎六條之寄具官  
猷為敏劬業履強民志在愛君不憚死生之變義深許國  
罔辭險阻之嘗自陟邇聯久司大計䟽利源而無用足兵



餉而不愆方期協濟於事功何乃屢陳於懇款永嘉山水  
維東土之名邦義閣典謨號西清之極選遂爾便親之欲  
分吾共理之憂服此寵光無忘報効

程克俊兵部呂丕問工部陶愷金部並即官

六曹即選各有司存而衆建材能以待進用皆異時卿相  
之儲也其任豈不重哉以爾克俊器業端良以爾丕問見  
聞遠大以爾愷操守堅正或就加於陞擢或初預於東陳  
勉罄猷為祿子光命

呂祉權兵部侍郎

朕以父兄遐狩夷狄亂常講武訓兵九年于此思得俊又  
協成丕烈維時武部尤念得人其官才識疏通志在當世

經筵堂重錄

頃備諫列知無不言持節奉藩咸著聲績踐揚既久器業  
益宏擢自省聯俾貳兵政若通和遣使之失朕已曉然而  
伐讎討叛之圖衆多疑者勿以司存之守而志獻納之嘉  
謀惟究乃心欽予時命

潘良貴秘書少監

朕遍閱群材仰稽治道思皇直諫之士共開公正之途人  
皆曰賢然後用以爾志剛而氣勁行肅而言端久矣踐揚  
夙高風望澹然安靜莫掩旦評簡在朕心召還祕府領袖  
群彥雖多圖史之誤談論古先當有箴規之益徃服訓命  
嗣承寵光

張致遠戶部侍郎



孟子談農桑於戰爭之際光武勤稼穡成中興之功王道所先民食所急今百姓已弊六帥方張將竭澤而漁豈無後患不加賦而足安得此言若時版曹憤選卿貳具官持心近厚經德不回數總利權獨推善計輟從選部往佐司元必使下不病民上能裕國頭會箕歛罔貽今昔之譏食足兵強一洒乾坤之憤是為職可不勉哉

李宥上殿改官

朕夙興御朝廷見多士一言動聽賞輒隨之非為泛然之恩蓋將以示勸勉之道也尔夫奉詳慎不辱所知其從易秩之榮勉懋官之寵

梁弁監察御史

經鉅堂重錄

朕求直諫之士置諸憲臺於其所言考其取舍以灼知其心迹公卿侍從多繇此出其或弗稱為臺之羞厥選遴矣尔矣才行達於聽聞召從外官奏言有取擢備察史時惟茂思其服訓詞將觀尔守

田欽亮改初等官

吾推心魁將倚集大勲凡所奏陳多即聽許狀功未上以尔名聞總叙勤勞願從改秩觀其保任之力必無僥覲之又往服官榮益思報効

孫安道贈三官

人臣克致其身立天下之大閑則宜有褒嘉以為在位之勸尔當總兵京輔不屈禍賊恥與偷生失節自同於犬彘



者伍朕聞而壯之追錫名秩用慰忠魂爾雖死而猶生也  
可謂榮矣

向子諲落致仕知江州

湓城為郡據大江之中流在昔宿勁兵馬重鎮地有常險  
則守有餘常勢苟非其人也險不足恃也爰擇材望乃卑  
符竹以示秉節立義術略䟽通總六路之權當大邦之寄  
屢履變故不懷二心夷貊知名姦回破膽自以危行告老  
而歸聞精力之尚強正艱難之所賴為朕復起往守九江  
必有忠謀以寬憂顧能益光於世業斯無忝於訓言

周鼎特贈待制

朋黨之論不聞於帝王盛時而起於漢唐季世夫舉賢才

經鉅堂重錄

之士日以附罔而加之罪辟其効至於戎馬在効中原板  
蕩既往之禍豈不痛哉朕深懲艾盡滿沉寃激勸具寮為  
世永戒具官秉心端亮盡言無諱受材肅給所至有聲昔  
蒙邪慝之名今見忠良之實西清次對追賁九泉尚其有  
知服我休命

靳博文夔路提刑

民惟邦本獄繫人命廣朕好生之德實賴提刑之臣以爾  
持節選方謹奉憲度忠厚明允不聞過愆其易使華往司  
詳讞若寃濫之有則當平反或姦寃之無良亦難故縱式  
欽訓命庸副選掄

晏孝本大理丞



廷尉有丞所以佐其長平刑獄之事人命所繫其選亦難  
昔狄仁傑嘗居是官歲中斷滯獄萬有千七人無冤訴者  
最號稱職以尔明名之後克誠家法初從委用其往欽哉  
郝最遥郡刺史  
洞庭之寇為南國患久矣比命大將往蕩平之爾協心招  
狹不待討殺刺死之任古人所榮今寓武聯非功不授予  
用嘉尔以勸有勞勉竭乃心無怠報國

知師道謚忠憲

古者死而無謚至周之有考行易名付之公論褒貶予奪  
莫之敢私百世傳焉垂勸大矣具官世載韜略性服仁義  
早親有道以自修飾言行無玷出處可觀論新法之害民

遂坐黨籍賢北伐之誤國黜使退休女真內侵起受師柄  
昌言繫討國勢所憑和議奪之至於禍敗驅馳出入以沒  
元身四海盡傷九原難作夫心篤國家之念可謂忠材兼  
文武之資是宜為憲使尔不朽名言在茲精爽未淪尚歆  
嘉寵

孟度觀文知紹興府

西樞宥密方資惟幄之籌東輔翰宣允賴股肱之寄具官  
裕和而強敏篤實而疏通頃疇器業之良擢與政幾之重  
宣明威略督護軍師忠嘉備罄於夙宵勤瘁早驚於華皓  
念足國富民之大計申卑利權有雪讎討叛之丕圖載謀  
兵政荐閱囊封之奏懇陳膂力之愆章屢卻而復來守甚



堅而難奪，俾陞華於秘殿，姑出鎮於明藩。夫豈吾心重為爾志，往雖閉閣尚期靜治之功，有以殿邦宜共安平之福。勿忘眷注，尚服訓辭。

任良臣司農丞

大農掌金穀出入國計，所資則其屬官亦豈輕授哉。以尔名臣諸孫克自修飭，俾丞司稼以觀厥能，益勵乃心，稱此光寵。

趙霈大諫

古者人臣皆得進諫，其君官與世變乃專設一職，選之既遴，則責之尤重。得其人乃能置君於無過之地，非其人則變是非，移白黑為患，有不勝言者。此朕所以不省因任而

不敢苟也。具官久服諫垣，多陳所述，蔽自朕志，就正大夫之任。夫朕躬得失，施於有政，惟臺諫二三人任耳目之寄，聰明蔽塞，開罔不由之。尔當以先政清獻所以事朕，毋求姑賢於近世之士而足，則予之德惟乃之休。

陳古知瀘州

昔武侯治蜀，思先入南，故五月渡瀘，用遏蠻方。庶幾出師歛門，無後顧之思。今瀘南列為郡縣，亦已久矣。苟非撫綏得人，則平民猶能弄民，况夷獠之風相接乎。以尔將漕，益部見推，幹敏元戎，剡奏請守是邦，往奉教條，以壯蕃屏。勿謂朝廷之遠而怠，勿官箴勿憚，權勢之威而侵漁民力。佇聞善最，自取寵榮。



程千秋轉一官

國家法令皆報民之具官吏能守奚盜之興以有違慢而出一切之政者民用不堪弄兵苟免究其所自予忍殺乎尔能勞來之降者頗衆肆用進官一等以為服勞之勸夫殄戮治民而謂之有才苛急辦事而謂之赴功者致寇之道也爾其念茲乃稱寵命

任申先左史

史國典也昔有姦臣尊尚私記遂參實錄以誣神祖朕用憤之選官訂正爾總職策府細書金匱是非去取既有功矣維時記注秉筆入侍尤資端亮乃可傳信以尔文學行誼世濟其美老而益壯氣節凜然古人不云乎作而不記

非盛德也朕方克勵以是自期若夫有舉不書書而不法論思之際獨無責哉往欽新命仍卒前業以稱委屬之重

胡世將兵部侍郎

六官二卿侍臣高選古大夫之職也聞事而不聞政大夫耻之然則守繩墨簿書之細而於周公分職之本旨不及知焉豈侍之體哉具官才氣敏達輔以藝文繇持橐之近聯當維藩之重寄具有聲實孚於師言茲用召還為小司寇今蠻夷猾夏寇賊姦究尔其思明邦禁誥暴亂之道祇佐戎辟勿以有司自處尚克欽哉

劉登禮部郎官

儀曹郎掌式度牋奏為文昌清望之地必時鴻碩乃堪此



選以尔文學純茂行誼端飭久於奉常之屬庶幾稷嗣之  
譽因才而用必有可觀往服訓言以光厥職

林季仲吏部右選

銓曹右選於今多事滌除宿弊非明不能燭鈴制姦吏非  
斷不可行司列大夫其選匪易以尔學知原本行有持循  
為即文昌才望甚美因能叙進以究所長祇服訓言往修  
厥職

蘇符司勳郎官

朕器使人材厚於褒勸典司功籍必資通敏之士然後六  
賞有等輕重不頗以尔名臣之後詞學甚優內外踐更名  
實相副寵以儒科之目往從勳府之聯益究尔能對茲榮

訓

張守侍讀醴泉觀使

出布藩條已著列侯之式入陪經幄方嚴一節之趨爰錫  
徽章用昭眷礼具官職明而行粹器博而用周窮六藝之  
本原發為事業兼四科之品藻名重薦紳自往鎮於海汧  
忽屬更於歲籥乃眷服勤之久宜頒均逸之恩召使遄歸  
副茲虛佇露門勸讀溪聞入告之嘉言瑤館奉祠仍示閔  
勞之殊渥朕求多聞而建事咨舊弼而圖勳正學以言勿  
事公孫之阿世責難於我當如孟子之欽王諒克奉承無  
煩計勵

任伯雨贈右諫議大夫



仰惟宣仁太皇太后御簾聽政功在社稷聖獻賢德克嗣  
徽音蓋與任姒比隆而高出漢唐之右小人誣毀罔復顧  
忌天下憤之莫敢式遏具官精忠直道不負言責力排姦  
賊之計獨謫瘴海之外自今遐想凜有生氣朕表章坤德  
而利正諤史昭雪鈞黨以祇慰在天又取正諫美官為尔  
光寵使世知公論之不可滅讒慝之不可而尽言納忠之  
士雖絀於初終得申白垂勸之義大矣

曾懋知福州

維福唐自割據以來崇尚異端以規利益遺俗至今而未  
殄名田沃壤歸浮圖者十六請謁行貨撓官府者紛然政  
化不信民彞泯亂此非帥守之任為人上者之耻乎具官

經鉅堂董錄

清修不競恬淡寡求揚歷禁途踐更內外稽譽處以無玷  
觀政術而有方式是南邦今以命汝夫使民興於孝弟不  
失其良心直道而行不惑於邪說此政治息兵之本務也  
祇服予訓往其欽哉

沈長卿秘書省正字

昔仲尼無所不學而於疑則闕焉其不疑者尤慎言之故  
除出丘索考正頌雅而於魯史則有損而不能益也而後  
之人以私意更易古書者多矣豈聖人之訓哉以爾學識  
明審越操端亮書林訂正之職宜以命汝古之人正心以  
正身正己以正物汝服膺此道以懋遠業於則魚魯之辨  
又何難哉



葉煥復待制

西清次對儒學高選時方右武亦以賞能具官起從久廢之中徃當一面之寄稔聞政術頗著勤勞俾復列于近班以有光于藩翰爾當益戒前失深圖來効使清議之無貶也可不欽哉

薛弼劉延年轉官

爾等分使兩湖軍興不乏列職中秘亦既疏恩載閱將臣之章以是為未足也維慶賞與奪皆自朕出進官一等益務靖共

邵伯温殿贈殿撰

士君子依仁守義雖不見用乃有追錄褒贈之典施於既

經鉅堂重錄

死之後使聞其風者興起尚論如見其人亦何存沒之間哉維先民康節學貫三易懷寶遜世而爾以孝謹為之子維先正弼光公著純仁道德勲賢表儀百代而爾以學行受其知浮沉下僚迄不大試柄臣有請朕用慨然寵以論撰之華資庸示儒林之深勸

王縉殿中侍史

朕慕帝舜達聰而聖讒說好問而察邇言託耳目於二三賢責之臣使司天下毀譽之實苟非良士孰副吾意具官疏通篤厚練達世務擢自臺察寘于副端越次而升時綸維克夫辨小事而不及大政彈小更而不及大官居其位有所不知知之有所不言言之有所不行行之而善人病



馬小人怙也君子以是為御史之責也往祇予訓以增憲府之重

何掄著作

自崇觀而後時政闕焉不記朕廣攬髦士付以制作閱歲滋久成書來上使右文用武之際來世無考可乎以爾殫見洽聞詞藻清麗名自西蜀入直東觀其服訓詞之寵肆觀良史之才

董將刑部

昔漢高以寬大除去秦苛法三章之約民至于今安之固不以殺人者不死為德也我國家本仁尚義法之所制民自以為不寬逮熙寧用事之臣析言破律以舉首之似亂刑名之實流弊至今而未止朕欲變而更化久矣爾強慎明恕為時望即即以次升列職憲部其佐而長監于舊章使輕重有倫不蹈前失以稱予恤刑之意可不勉哉

錢葉都司

惟用武既久都官之籍日衆能否真偽朕疑其清而不覆也循名而進之他日安取官闕給是哉以爾茂文卻行嘗為察史茲服新命列職司僕必也泰稽成憲踈理近弊使無壅積偽冒之患以昔之察人者今而自察然後為稱若餘所典亦罔不欽

董弇少常

朕以孝弟之情未伸雖郊禋大祭毋敢以樂若夫格宗廟



以一民志訓軍旅以嚴等威謹華夷之聘好示天下以君  
臣父子之大倫必得鴻碩之儒典朕三禮厥任豈不重乎  
以示文史足用勁正自將出使觀風不畏強禦召還敷奉  
持論據經茲擢貳於奉常賞一時之妙簡爾其深惟天  
秩之意以丕承明訓直清夙夜尚克欽哉

范直方閩憲

用刑者疑而後有讞議濫而後有平反若夫縱釋罪人謂  
之陰德使良民無告訟獄不公此豈朕好生之意哉爾勲  
賢之後辨治詳明輟從天臺往按閩部惟閩之俗明思讎  
尚氣義御失其道徂詐亦興往慎刺舉之權去其陷民於  
罪者朕將閱奏牘多寡下酌民言以考爾之賊政可不勉

經鉅堂重錄

哉

梁燾復資政

維元祐大臣咸有功干宗社黨籍天下寃之朕疚心以次  
昭叙豈伊丞弼尚閔贊書具官勁節深忠遭時委質有犯  
無隱夙高課爭之風同寅協恭遂格平康之化巧言既作  
遐竄不還行直道於三代之間吾誰毀譽考公議於百年  
之後彼自受憎追秩故官叅聯峻職者也賢哲之士俱麗  
丹書今焉滂雪之恩再光清議皆臣子之榮遇何死生之  
足論

朱震轉一官

典謨訓誥皆古之書筆削春秋著先生之志其文雖史垂



世為經朕仰奉孫謀恭繩祖武覽裕陵之實錄悼私史之  
謗言譬夫氛祲之興或掩昭回之象乃詔郡彥國次舊文  
具官學貫九流趨皇極會歸之要識深五傳窮古人作述  
之原頃預編摩克明去取茲閱奏篇之上彌嘉汗簡之勞  
十九年之勲德既昭千萬世之楷模斯在祖宗有慶非出  
朕私爵秩所加式為爾寵名附不刊之典實彰有永之辭

陳梅直龍圖閣知泉州

七貧閩瘠異時調歛不及焉惟泉南負海有舶市之饒未  
嘗罹兵革之禍於今為望郡然造舟艦鬻憎牒以佐軍興  
民不無事矣而賈寇大掉出沒乎渺茫其患方滋朕所以  
南顧睠焉求良二千石而付之也爾學修而行潔志靜而

經鉅堂重錄

慮周臺省踐揚恬然自守推此為政必有可觀者矣寓直  
延閣善撫吾民治最上聞褒典奚吝

楊時贈四官

自聖學失傳道無通統紀以佛老而亂周孔託六藝以文  
姦言總明才智之人溺於空虛而不知安宅鬼瑣蔽蒙之  
士安於卑陋而莫肯遷喬高明中庸析為二政學術既壞  
興替通之具官躬稟異材早親有道德宇和粹望而可知  
其賢事修明用之未究所蘊方立言而後垂將以道而覺  
民邪說漸排正途斯闢朕念設經之益爰深憲老之懷而  
天不憖遺邦其殄瘁已詔有司厚賻恤之禮又給史禮取  
辨正之書茲卑愍章更加榮秩用作興於多士以表著於



斯文

徐度李誼宋之才孫雄飛除館職

若古有訓大享養賢將開拓丕基永圖康濟必搜羅群彥以俟選掄尔等行義潔修文詞敏妙試言來上陳誼甚高俾接武於英纏共離書於祕府惟志趣遠大不萌富貴之心則涵養博深心著事功之美淑慎所止明聽朕言

范正平贈直秘閣

朕觀士大夫守正者必疾邪為惡者必遏善方詐力取勝則小人有時而肆行及公道既伸則君子豈至於久屈順天休命吾職則然尔志操剛方孝義有聞以小吏而抗大姦終守其節遂陷黨籍德名愈光朕於元祐之臣苟賢且

經鉅堂重錄

忠不間堙微咸用褒秩所以申廣勸戒非尔一人之為也死而不朽豈不在茲

余應求江西憲

陰慘陽舒天之大德五刑五用所以憲天間者典獄之臣罔燭厥理舍姦戾法謬謂從寬使柔善之民冤憤不伸於朕心有戚戚焉爾等身直諒久從間曠所養宜厚矣俾持憲節徃慎拆裏而况江右列城半罹賊害昏頑註誤亦兩有之必清心迪智則下不敢欺必推恕及人則刑斯無濫克若予訓豈妄汝嘉

某人司農丞

自昔寺監丞貳進為臺省之用出為郡守部使者故非材



効也已著不預是選省併以來用人不次幾於輕矣然誠得其人朕亦何愛乎爾學求有用留意乎世務往誠大府試才之始也夫為委吏而會計當聖師猶尽心焉可不勉哉

謝惇德上書改官與升擢差遣

朕好聞直諫有益之言雖小人怨詈猶惕然康色以受之而况所陳中理者乎爾為遠邑小吏謄書來獻議論可用實嘉乃心既易其官又擢其所任非獨為爾之報蓋使志義之士皆將輕千里而來告予以善也

趙子洎判西外大宗正司

朕遭家之多難思宗子之維城眷求親賢分典屬籍推吾

惇叙之意助成信厚之風以爾天稟浚明吏能超邁有文好學蚤讀元王之詩近義親仁不忘穆生之醴曩緣進銳以得過亦既退閑而省愆艱難備嘗齒德俱邵召從遠外逡巡持克慎之心入對咨詢慷慨多可行之論用還舊職俾正外司抑抑威威往篤本支之慶振振公族庶幾盤石之宗

周葵殿中侍御史

朕惟祖宗盛旦斯民直道而行矣猶汲汲於求忠良開言路矧今邪說趨利而作毀譽不核其真辨政事則規一切而忘遠功論人材則以一眚而掩大德至於九法斁三綱淪國家安危所在則未有能正之者也然則居耳目之官



非難不感朕之聰明為不易耳爾學修而行美有意乎當世廉察向久今庸次升勉竭乃裏母忝明命

詹至郭執中進階

頃命相臣督護戎旅膚公克奏婉畫是資爾識慮端詳預聞機事第功來上式卑寵名思稱異恩可無來效執中云爾識慮端詳謔謀有補第功來上加進崇階

陳彥中轉一官

頃命相臣督護戎旅凡厥官屬咸有勞能具官材力敏強克總行務第功來上加進官朕思稱異恩可無來效

輔達馬師謹刑彛舉與郡

比命虎臣出平寇盜凡在將領咸有勞能爾既克摧鋒又

經鉅堂重錄

能撫納師謹云爾期會不能愆敏於招納第功來上寵卑郡彛舉云爾敏有才符思稱異恩可無來效

韓仲通大理寺丞再任

廷尉用法天下取平焉屬者未聞審克之譽而有徇情出入之譏朕思得守正不撓者往草其弊爾為佐理卿見謂諳練請爾久於其事諒非私舉矣謹遵法律將考爾之成績

何伯熊改官

爾以學行者稱乎西南而達於听聞召對考爾有足嘉者錫以書命易其官榮謹守爾身將有任使

張浚母計氏改封蜀國太夫人



朕念恢復土宇宇莫若內修肅清江湖實繫良弼及褒揚而懋賞乃謙畏而辭榮嘉哉誠節之彰尚矣義方之効可無寵錫以表慶覃某氏懿範慈祥清風肅穆他靡守志恪遵衛婦之規為子擇鄰遠繼軻親之識浚伏狐忠而許國爾能萬里而移書不形姑息之言純是激昂之戒行光往諫福萃高門王珪之交友皆賢固宜有立陶侃之功名寢盛可見所原庸侈君封以華邦號昔先正作股肱而洎養榮孰此如維冲人慕父母而報仇功殊未建益康乃後用相我家

席益成益利州梓夔潼川安撫置大使

朕自南渡以來不忘北向之念慨昔者經邦之多誤中原

經鉅堂重錄

原宿盜之末平下拓兩淮中收漢沔漸規進取期殄寇讎乃眷西南地連關隴猛士如雨待弦矢之機岷山導江有襟帶之勢內蕃王室外張天聲非得傑才曷勝重寄具官器度凝遠智術通方入預政幾忠義嘉屢告出當方面威望孔昭勿辭沂峽之難往懋幹方之績况益部之甘棠不剪而渭川之草木知名吾因任於世臣尔盍勉移於忠蓋昔孔明治蜀光照古今以集眾思存設教之心以攻已闕為平賊之本故能臨大節而不可奪處經事而知其宜茲委使權仍加職序思蹈前軌期於有成

向子諲江東漕

古之大夫老而得謝則不復可仕其或壽苟康寧時之所



賴亦不以年及而聽其毛去蓋知足者一身之事而用賢者國家之計也况能齒髮初艾精未愆才智足以周事為氣節可以壯形勢而乃確然堅卧以必退高為失出處之宜非朕所望也今江南之民困窮日甚以豐凶相半之歲給雲屯待哺之卒將漕充使非尔孰堪無執小謙久稽成命能副期待之意是乃世臣之忠

薰弇右司

左右司置即文昌高選宰相之屬也弥綸闕失禪贊庶務非取其奉行成事而成已間者典籍散亡人有求於法之所不可者六曹具上必付都公而以其情先擬所决抱牘叢進請占書之習以成風是將何賴尔才識明敏志操端

經鉅堂重錄

方所臨有聲宜任此職必使廟堂之上無過舉胥史之志不得伸當官而行何强之有

何慤太常少卿

中國之所以貴於夷狄者有礼樂以節文仁義而導迎和氣也自昔承平既久人欲肆行而天下秩不建以致雅廢之禍今將撥亂世反之正則九礼之所不可不為與其所不必為及夫流習承誤而當損益因革者亦眾矣秩宗之任必惟其人以學尔行明梓智慮詳謹兹繇宰士擢貳奉常其思訓言往懋乃職

趙子涇江西運使

自軍旅之興九年于此土宇未闢而兵食日衆賦於百姓



者悉矣既不得已歛民以養兵則亦豈可厚兵而殘民思  
得通材付以利柄庶幾土飽而歌攘敵於外民安其業守  
邦於內上下交濟是惟難哉具官才又優游心計精敏久  
於間放慮患克深自初召還逡巡以進及此委寄辭避靡  
寧先聖不云乎慎斯術也以往其無所失矣江西之地寇  
早相屬往思欽職務弭師言

李迨兩浙運使

國以民為本以兵為衛令輔弼大臣詔誤均節於上而計  
司守令率職供億於下日不皇給兵故之以深惟其方必  
得公勤智能之士以總輸將調度之計取之有制用之有  
節猶庶幾焉耳具官才置強明吏事肅給盤根錯節游及

經鉅堂重錄

有餘至於理財尤見推許今二浙之稔國用所資而嗣歲  
之豐天時難必都漕置使莫如汝諧職思其憂以副朕命


致堂胡先生斐然集卷第十三終



卷三

三

經鉅堂重錄





程